

ՊԵՏՈՒԹՅԱՆ ԿԱՐԻՔՆԵՐԻ ՀԱՄԱՐ «ԼԱՎԱԳՈՒՅՆ ՄԱՐԶԱԿԱՆ ԸՆՏԱՆԻՔ» ՄՐՅՈՒՅԹԻ ԱՆՑԿԱՑՄԱՆ» ՄԱՏՈՒՑՄԱՆ

ՊԵՏԱԿԱՆ ԳՆՄԱՆ ՊԱՅՄԱՆԱԳԻՐ

N ՍՊ-ԳՀԾՁԲ-18/12/1 - 125 - 2018

ք.Երևան

« 3 » 05 2018 թ.

ՀՀ սպորտի և երիտասարդության հարցերի նախարարությունը, ի դեմս աշխատակազմի ղեկավար Վ.Էրոյանի, որը գործում է նախարարության կանոնադրության հիման վրա (այսուհետ՝ Պատվիրատու), մի կողմից, և «Իմպերի ում» ՍՊԸ-ն, ի դեմս տնօրեն Գ. Աղյանի, որը գործում է իր կանոնադրության հիման վրա (այսուհետ՝ Կատարող), մյուս կողմից, կնքեցին սույն պայմանագիրը հետևյալի մասին:

1. ՊԱՅՄԱՆԱԳՐԻ ԱՌԱՐԿԱՆ

1.1 Պատվիրատուն հանձնարարում է, իսկ Կատարողը ստանձնում է Սպորտային միջոցառումների կազմակերպման /Լավագույն մարզական ընտանիք մրցույթի անցկացման/ ծառայությունների մատուցման պարտավորությունը (այսուհետ՝ ծառայություն)՝ համաձայն սույն պայմանագրի (այսուհետ՝ պայմանագիր) անբաժանելի մասը կազմող N 1 հավելվածով սահմանված Տեխնիկական բնութագիր-գնման ժամանակացույցի պահանջների:

1.2 Ծառայությունը մատուցվում է պայմանագրի N 1 հավելվածով սահմանված Տեխնիկական բնութագիր-գնման ժամանակացույցին համապատասխան և սահմանված ժամկետներով:

2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

2.1 Պատվիրատուն իրավունք ունի՝

2.1.1 Ցանկացած ժամանակ ստուգել Կատարողի կողմից մատուցվող ծառայության ընթացքը և որակը՝ առանց միջամտելու Կատարողի գործունեությանը.

2.1.2 Եթե մատուցվել է պայմանագրի N 1 հավելվածում նշված Տեխնիկական բնութագիր-գնման ժամանակացույցին չհամապատասխանող ծառայություն.

ա) Չընդունել ծառայությունը՝ իր հայեցողությամբ սահմանելով անպատշաճ որակի ծառայությունը պայմանագրին համապատասխանող ծառայությամբ անհատույց փոխարինման ողջամիտ ժամկետ և պահանջել Կատարողից վճարելու պայմանագրի 5.2 կետով նախատեսված տուգանքը, ինչպես նաև 5.3 կետով նախատեսված տույժը.

բ) Հրաժարվել պայմանագիրը կատարելուց և պահանջել վերադարձնելու ծառայության համար վճարված գումարը և պահանջել Կատարողից վճարելու պայմանագրի 5.2 կետով նախատեսված տուգանքը.

2.1.3 Միակողմանի լուծել պայմանագիրը, եթե Կատարողն էականորեն խախտել է պայմանագիրը: Կատարողի կողմից պայմանագիրը խախտելն էական է համարվում, եթե՝

ա) մատուցված ծառայությունը չի համապատասխանում պայմանագրի N 1 հավելվածով սահմանված պահանջներին,

բ) խախտվել է ծառայության մատուցման ժամկետը:

2.2 Պատվիրատուն պարտավոր է՝

2.2.1 Քննարկել և ընդունել Տեխնիկական բնութագիր-գնման ժամանակացույցին համապատասխան մատուցված ծառայության արդյունքը, իսկ ծառայության արդյունքում թերություններ հայտնաբերելու դեպքերում՝ այդ մասին անհապաղ գրավոր հայտնել Կատարողին:

2.2.2 Ծառայության արդյունքն ընդունելու դեպքում Կատարողին վճարել վերջինիս վճարման ենթակա գումարները, իսկ ժամկետի խախտման դեպքում՝ նաև պայմանագրի 5.5 կետով նախատեսված տույժը:

2.3 Կատարողն իրավունք ունի՝

2.3.1 Պատվիրատուից պահանջել վճարելու իրեն վճարման ենթակա գումարները, իսկ Պատվիրատուի կողմից պայմանագրի 4.2 կետում նշված ժամկետի խախտման դեպքում նաև պայմանագրի 5.5 կետով նախատեսված տույժը:

2.4 Կատարողը պարտավոր է՝

2.4.1 Պայմանագրի N 1 հավելվածով սահմանված պայմաններով ապահովել ծառայության մատուցումը՝ ղեկավարվելով գործող օրենսդրությամբ:

2.4.2 Պայմանագրով նախատեսված դեպքերում վճարել պայմանագրի 5.2 և 5.3 կետերով նախատեսված տույժը և տուգանքը:

2.4.3 Պայմանագրի կատարման ապահովման գործողության ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Պատվիրատուին:

### 3. ԾԱՌԱՅՈՒԹՅԱՆ ՀԱՆՁՆՄԱՆ ԵՎ ԸՆԴՈՒՆՄԱՆ ԿԱՐԳԸ

3.1 Մատուցված ծառայությունն ընդունվում է Պատվիրատուի և Կատարողի միջև հանձնման-ընդունման արձանագրության ստորագրմամբ: Ծառայությունը Պատվիրատուին հանձնելու փաստը ֆիքսվում է Պատվիրատուի և Կատարողի միջև երկկողմ հաստատված փաստաթղթով՝ նշելով փաստաթղթի կազմման ամսաթիվը:

Մինչև պայմանագրով ծառայության մատուցման համար նախատեսված օրը ներառյալ Կատարողը Պատվիրատուին է տրամադրում իր կողմից ստորագրված՝ ծառայությունը Պատվիրատուին հանձնելու փաստը ֆիքսող փաստաթուղթը (հավելված N 3.1), իսկ էլեկտրոնային գնումների armeps համակարգի միջոցով (գործողության իրականացման ձեռնարկը տեղադրված է [www.procurement.am](http://www.procurement.am) հասցեով գործող կայքի «Էլեկտրոնային գնումներ» բաժնում)՝ նաև հանձնման-ընդունման արձանագրությունը (հավելված N 3): Ընդ որում Կատարողը հանձնման-ընդունման արձանագրությունը չի կնքում, հաստատում է էլեկտրոնային ստորագրությամբ՝ լրացնելով միայն այն սյունակները, որոնք վերաբերում են իր տվյալներին (լրացման կարգը տեղադրված է [www.procurement.am](http://www.procurement.am) հասցեով գործող կայքի «Օրենսդրություն» բաժնի «Ֆինանսների նախարարի հրամաններ» ենթաբաժնում):

3.2 Եթե մատուցված ծառայությունը համապատասխանում է պայմանագրի պայմաններին, Պատվիրատուն պայմանագրի 3.1 կետում նշված փաստաթղթերը ստանալու օրվան հաջորդող աշխատանքային օրվանից հաշված \_\_\_\_\_ աշխատանքային օրվա ընթացքում ստորագրում և էլեկտրոնային գնումների armeps համակարգի միջոցով Կատարողին է տրամադրում իր կողմից ստորագրված հանձնման-ընդունման արձանագրությունը և դրա ստորագրման համար հիմք հանդիսացած դրական եզրակացությունը:

3.3 Եթե մատուցված ծառայությունը կամ դրա մի մասը չի համապատասխանում պայմանագրի պայմաններին, ապա Պատվիրատուն չի ստորագրում հանձնման-ընդունման արձանագրությունը և պայմանագրի 3.2 կետում նշված ժամկետում էլեկտրոնային գնումների armeps համակարգի միջոցով Կատարողին հետ է վերադարձնում հանձնման-ընդունման արձանագրությունը և դրա չստորագրման համար հիմք հանդիսացած բացասական եզրակացությունը: Սույն կետի կիրառման դեպքում Պատվիրատուն ձեռնարկում է նման իրավիճակի համար պայմանագրով նախատեսված միջոցները և Կատարողի նկատմամբ կիրառում է պայմանագրով նախատեսված պատասխանատվության միջոցներ:

3.4 Եթե պայմանագրի 3.2 կետով սահմանված ժամկետում Պատվիրատուն չի ընդունում մատուցված ծառայությունը կամ չի մերժում դրա ընդունումը, ապա մատուցված ծառայությունը համարվում է ընդունված և պայմանագրի 3.2 կետով սահմանված վերջնաժամկետին հաջորդող աշխատանքային օրը Պատվիրատուն էլեկտրոնային գնումների համակարգի միջոցով Կատարողին է տրամադրում իր կողմից ստորագրված հանձնման-ընդունման արձանագրությունը:

### 4. ՊԱՅՄԱՆԱԳՐԻ ԳԻՆԸ

4.1. Սույն պայմանագրով Կատարողի մատուցման ենթակա ծառայության գինը կազմում 13690000 ( տասներեք միլիոն վեց հարյուր ինսուն հազար ) ՀՀ դրամ :

Գինը ներառում է Կատարողի կողմից իրականացվող բոլոր ծախսերը՝ այդ թվում հարկերը, տուրքերը և ՀՀ օրենսդրությամբ սահմանված այլ վճարները:

Ծառայության մատուցման գինը կայուն է և Կատարողն իրավունք չունի պահանջել ավելացնելու, իսկ Պատվիրատուն նվազեցնելու այդ գինը:

4.2 Պատվիրատուն իրեն մատուցած ծառայության դիմաց վճարում է ՀՀ դրամով անկանխիկ՝ դրամական միջոցները Կատարողի հաշվարկային հաշվին փոխանցելու միջոցով: Դրամական միջոցների փոխանցումը կատարվում է հանձնման-ընդունման արձանագրության հիման վրա՝ պայմանագրի վճարման ժամանակացույցով (հավելված N 2) նախատեսված չափերով և ամիսներին: Եթե արձանագրությունը կազմվում է տվյալ ամսվա 20-ից հետո և այդ ամսում վճարման ժամանակացույցով նախատեսված են ֆինանսական միջոցներ, ապա վճարումն իրականացվում է մինչև 30 աշխատանքային օրվա ընթացքում, բայց ոչ ուշ, քան մինչև տվյալ տարվա դեկտեմբերի 20-ը:

### 5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

5.1 Կատարողը պատասխանատվություն է կրում ծառայության մատուցման՝ պայմանագրի պահանջների պահպանման համար:

5.2 Պայմանագրի N 1 հավելվածում նշված տեխնիկական բնութագրին չհամապատասխանող ծառայություն մատուցելու յուրաքանչյուր դեպքում Կատարողից գանձվում է տուգանք՝ պայմանագրի 4.1 կետում նախատեսված գումարի 0,5 (զրո ամբողջ հինգ տասնորդական) տոկոսի չափով<sup>1</sup>:

<sup>1</sup> Պայմանագրի «Գնումների մասին» ՀՀ օրենքի 15-րդ հոդվածի 6-րդ կետի հիման վրա կնքված լիսենզիայի դեպքում տուգանքը հաշվարկվում է պայմանագրի գնի այն մասի նկատմամբ, որի համար տվյալ տարվա ընթացքում հատկացվել են ֆինանսական միջոցներ և կնքվել է համաձայնագիր:

5.3 Պայմանագրով նախատեսված ծառայության մատուցման ժամկետը խախտելու դեպքում Կատարողից յուրաքանչյուր ուշացված օրվա համար գանձվում է տույժ՝ մատուցման ենթակա, սակայն չմատուցված ծառայության գնի 0,05 (գրո ամբողջ հինգ հարյուրերորդական) տոկոսի չափով:

5.4 Պայմանագրի 5.2 և 5.3 կետերով նախատեսված տուգանքը և տույժը հաշվարկվում և հաշվանցվում են ծառայություն մատուցելու արդյունքում Կատարողին վճարման ենթակա գումարների հետ:

5.5 Պատվիրատուի կողմից պայմանագրի 4.2 կետով նախատեսված ժամկետի խախտման դեպքում Պատվիրատուի նկատմամբ յուրաքանչյուր ուշացված օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (գրո ամբողջ հինգ հարյուրերորդական) տոկոսի չափով:

5.6 Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

5.7 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

## 6. ԱՆՀԱՂԹԱՀԱՐԵԼԻ ՈՒԺԻ ԱԶԴԵՅՈՒԹՅՈՒՆ (ՖՈՐՄ-ՄԱԺՈՐ)

Սույն պայմանագրով և սույն պայմանագրի հիման վրա կնքված համաձայնագրերով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

## 7. ԱՅԼ ՊԱՅՄԱՆՆԵՐ

7.1 Պայմանագիրն ուժի մեջ է մտնում կողմերի ստորագրման պահից և գործում է մինչև կողմերի պայմանագրով ստանձնած պարտավորությունների ողջ ծավալով կատարումը:

Պայմանագրով նախատեսված կողմերի իրավունքների և պարտականությունների կատարման պայման է հանդիսանում պայմանագիրը ՀՀ ֆինանսների նախարարության կողմից հաշվարկված լինելու հանգամանքը:<sup>2</sup>

7.2 Պայմանագրից ծագած կողմի վճարային պարտավորությունը չի կարող դադարել այլ պայմանագրից ծագած հակընդդեմ պարտավորության հաշվանցով, առանց կողմերի գրավոր և կնիքով հաստատված համաձայնության: Պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության:

7.3 Այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ գնման գործընթացում, մինչև պայմանագրի կնքումը, Կատարողը ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո Պատվիրատուն իրավունք ունի միակողմանիորեն լուծելու պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային պայմանագիրը չկնքելու համար: Ընդ որում, Պատվիրատուն չի կրում պայմանագրի միակողմանի լուծման հետևանքով Կատարողի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով Պատվիրատուի կրած վնասներն այն ծավալով, որի մասով պայմանագիրը լուծվել է:

7.4 Պայմանագրի հետ կապված վեճերը ենթակա են քննության Հայաստանի Հանրապետության դատարաններում:

7.5 Պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագիր կնքելու միջոցով, որը կհանդիսանա պայմանագրի անբաժանելի մասը:

Արգելվում է պայմանագրում, իսկ եթե պայմանագրի գինը գործոնային է, ապա նաև այդ պայմանագրին կից հաջորդող յուրաքանչյուր տարիներին կնքված համաձայնագրում կատարել այնպիսի փոփոխություններ, որոնք հանգեցնում են գնվող ծառայության ծավալների կամ ձևով դրվող ծառայության միավորի գնի կամ պայմանագրի գնի արհեստական փոփոխման:

Պայմանագրի կողմերից անկախ գործոնների ազդեցությամբ պայմանագրի փոփոխման յուրաքանչյուր դեպք սահմանում է Հայաստանի Հանրապետության կառավարությունը:

7.6 Եթե պայմանագիրն իրականացվում է գործակալության պայմանագիր կնքելու միջոցով

<sup>2</sup> Պայմանագրի կնքման պահից սկսվող միջոցների հաշվին պարտավորությունները չառաջացնող գնումների դեպքում սույն նախադասությունը պայմանագրից հանվում է:

1) Կատարողը պատասխանատվություն է կրում գործակալի պարտավորությունների չկատարման կամ ոչ պատշաճ կատարման համար:

2) պայմանագրի կատարման ընթացքում գործակալի փոփոխման դեպքում Կատարողը գրավոր տեղեկացնում է Պատվիրատուին՝ տրամադրելով գործակալության պայմանագրի պատճենը և դրա կողմ հանդիսացող անձի տվյալները՝ փոփոխությունը կատարվելու օրվանից հինգ աշխատանքային օրվա ընթացքում<sup>3</sup>:

7.8 Ծառայության մատուցման ժամկետը կարող է երկարաձգվել մինչև պայմանագրով այդ ժամկետը լրանալը՝ Կատարողի առաջարկության առկայության դեպքում՝ պայմանով, որ Պատվիրատուի մոտ չի վերացել ծառայության օգտագործման պահանջը: Ընդ որում սույն կետով սահմանված դեպքում ծառայության մատուցման ժամկետը կարող է երկարաձգվել մեկ անգամ մինչև 30 օրացուցային օրով, բայց ոչ ավել քան պայմանագրով սահմանված ժամկետն է:

7.9 Պայմանագրի պատշաճ կատարման պայմաններում կողմերի (Կատարող կամ Պատվիրատու) օգուտները (խնայողություններ) կամ կրած վնասները տվյալ կողմի օգուտը կամ կրած վնասն են:

Պայմանագրի կողմերի՝ երրորդ անձանց նկատմամբ պարտավորությունները՝ ներառյալ պայմանագրի կատարման շրջանակում Կատարողի կնքած այլ գործարքները և դրանցից բխող պարտավորությունները, դուրս են պայմանագրի կարգավորման դաշտից և չեն կարող ազդել պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Կատարողը:

7.10 Պայմանագիրը չի կարող փոփոխվել կողմերի պարտավորությունների մասնակի չկատարման հետևանքով կամ ամբողջությամբ լուծվել կողմերի փոխադարձ համաձայնությամբ՝ բացառությամբ՝ Հայաստանի Հանրապետության օրենսդրությամբ սահմանված կարգով ծառայության մատուցման համար անհրաժեշտ ֆինանսական հատկացումների նվազեցման դեպքերի: Ընդ որում, պայմանագրի կողմերի՝ պարտավորությունների մասնակի չկատարման կամ ամբողջությամբ լուծման կողմերի փոխադարձ համաձայնությունն անհրաժեշտ է ձեռք բերել նախքան Հայաստանի Հանրապետության օրենսդրությամբ սահմանված կարգով ծառայության մատուցման համար անհրաժեշտ ֆինանսական հատկացումների նվազեցումը:

7.11 Կատարողի կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը Պատվիրատուն հրապարակում է [www.procurement.am](http://www.procurement.am) հասցեով գործող ինտերնետային կայքի «Պայմանագրերը միակողմանի լուծելու մասին ծանուցումներ» բաժնում՝ նշելով հրապարակման ամսաթիվը: Կատարողը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելու հաջորդող օրվանից:

7.12 Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են ՀՀ դատարաններում:

7.13 Սույն պայմանագիրը կազմված է 13 էջից, կնքվում է երկու օրինակից, որոնք ունեն հավասարազոր իրավաբանական ուժ: Սույն պայմանագրի N 1, N 2, N 3 և N 3.1 հավելվածները հանդիսանում են պայմանագրի անբաժանելի մասը, յուրաքանչյուր կողմին տրվում է պայմանագրի մեկ օրինակ:

7.14 Սույն պայմանագրի նկատմամբ կիրառվում է Հայաստանի Հանրապետության իրավունքը:

**8. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ**

**Պ Ա Տ Վ Ե Ր Ա Տ ՈՒ**  
ՀՀ սպորտի և երիտասարդության հարցերի  
նախարարություն  
Ք.Երևան Արովյան 9  
ՀՀ ֆինանսների նախարարության  
գործառնական վարչություն  
Հ/Հ 900011059095  
ՀՎՀՀ 02586282

**Կ Ա Տ Ա Դ Ո Ղ**  
«Իմպերիում» ՍՊԸ  
Ք.Երևան Ա.Ավետիսյան 1127  
Ինտերբանկ ՓԲԸ  
Հ/Հ 2050622060861001  
ՀՎՀՀ 00135548

Աշխատակազմի ղեկավար՝ Վ.Էլոյան

Տնօրեն՝ Գ.Սոյլան



<sup>3</sup> Սույն կետը հանվում է պայմանագրից, եթե պայմանագիրը չի իրականացվում գործակալության պայմանագիր կնքելու միջոցով:

ՏԵԽՆԻԿԱԿԱՆ ԲՆՈՒԹԱԳԻՐ - ԳՆՄԱՆ ԺԱՄԱՆԱԿԱՑՈՒՅՑ\*

ՀՀ դրամ

Ծառայության						մատուցման	
հրավերով նախատեսված չափաբաժնի համարը	գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPV)	տեխնիկական բնութագիրը	չափման միավորը	ընդհանուր գինը/ՀՀ դրամ	ընդհանուր քանակը	հասցեն	Ժամկետը**
1	92621110-1		դրամ	13690000	1	<p>ՀՀ 42 համայնքներում, Երևան քաղաքի 12 ՎՇ և Արցախի 7 շրջաններում</p> <p>ՀՀ մարզերում, Երևան քաղաքում և Արցախում</p> <p>Ք.Շաղկաձոր</p>	<p>15.05-30.07.2018 թ.</p> <p>1-ի փուլ 15.05.18թ- 13.06.18թ</p> <p>2-րդ փուլ հունիսի 18.06.18թ- 27.06.18թ</p> <p>3-րդ եզրափակիչ փուլ Հուլիս ամսին համաձայնեցնելով ՀՀ Նախագահի աշխատակազմի հետ թ.)</p>

Հայաստանի Հանրապետության Նախագահի մրցանակի համար «Լավագույն մարզական ընտանիք» մրցույթի անցկացման» համար նախատեսված անհրաժեշտ ծառայությունների ձեռքբերում

Միջոցառման նպատակը և խնդիրները.

1. Հայաստանի Հանրապետության Նախագահի մրցանակի համար «Լավագույն մարզական ընտանիք» մրցույթի (այսուհետ՝ Մրցույթ) նպատակն է՝ անհատի բազմակողմանի ու ներդաշնակ զարգացում, բնակչության առողջության ամրապնդում, առողջ ապրելակերպի ձևավորման գործում ֆիզիկական կուլտուրայի և սպորտի դերի բարձրացում, բնակչության ակտիվ հանգստի կազմակերպում:

2. Մրցույթի խնդիրներն են՝ տարածքային կառավարման և տեղական ինքնակառավարման մարմինների կողմից ֆիզկուլտուրայի և սպորտի ուղղությամբ կատարվող աշխատանքների խթանում, բնակչության շրջանում ֆիզիկական կուլտուրայի և սպորտի քարոզում, բնակչության ֆիզիկական դաստիարակության, ֆիզիկական կուլտուրայով և սպորտով զբաղվելու համար նպաստավոր պայմանների ստեղծում, ֆիզիկական կուլտուրայի և սպորտի միջոցով ընտանեկան կապերի ամրապնդում և առողջ կենսակերպի գաղափարների արմատավորում, հաշմանդամային սպորտի զարգացման խթանում, սոցիալական հավասարության խթանում, հաշմանդամների շրջանում բարոյահոգեբանական մթնոլորտի բարելավում:

3. Մրցույթն անցկացվելու է տվյալ օրացուցային տարվա մայիս-հուլիս ամիսներին՝ 3 փուլով. 1-ին և 2-րդ փուլերը՝ նախնական, 3-րդ փուլը՝ եզրափակիչ:

1) 1-ին փուլն անցկացվելու է 2018 թվականի մայիսի 25-ից մինչև հունիսի 13-ն ընկած ժամանակահատվածում՝ Հայաստանի Հանրապետության 42 քաղաքային և գյուղական համայնքներում, Երևան քաղաքի 12 վարչական շրջաններում և Արցախի Հանրապետությունում՝ Ստեփանակերտ քաղաքում և 6 շրջաններում (առաջին փուլի մրցումների անցկացման համար տրվում է 3 օր):

2) 2-րդ փուլն անցկացվելու է հունիսի 18-ից մինչև հունիսի 27-ն ընկած ժամանակահատվածում՝ Հայաստանի Հանրապետության մարզերում, Երևան քաղաքում և Արցախում՝ համաձայն ներկայացված ժամանակացույցի՝

- ա. Կոտայքի մարզ – հունիսի 13-ից մինչև 15-ը (ք. Չարենցավան),
- բ. Գեղարքունիքի մարզ – հունիսի 14-ից մինչև 16-ը (ք. Գավառ),
- գ. Տավուշի մարզ – հունիսի 15-ից մինչև 17-ը (ք. Իջևան),
- դ. Լոռու մարզ – հունիսի 16-ից մինչև 19-ը (ք. Վանաձոր),
- ե. Շիրակի մարզ – հունիսի 18-ից մինչև 20-ը (ք. Գյումրի),
- զ. Արագածոտնի մարզ – հունիսի 19-ից մինչև 21-ը (ք. Աշտարակ),
- է. Արմավիրի մարզ – հունիսի 19-ից մինչև 21-ը (ք. Արմավիր),
- ը. Արարատի մարզ – հունիսի 20-ից մինչև 22-ը (ք. Արտաշատ),
- թ. Վայոց ձորի մարզ – հունիսի 21-ից մինչև 23-ը (ք. Եղեգնաձոր),
- ժ. Սյունիքի մարզ – հունիսի 22-ից մինչև 24-ը (ք. Կապան),
- ժա. ք. Երևան – հունիսի 22-ից հունիսի 27-ը,
- ժբ. Արցախ – հունիսի 24-ից մինչև հունիսի 27-ը (ք. Ստեփանակերտ):

3) 3-րդ՝ եզրափակիչ փուլի մրցումներն անցկացվելու են 6 օրում՝ Ծաղկաձորի գլխավոր մարզահամալիրում: Եզրափակիչ փուլի անցկացման ստույգ ժամկետի մասին Հայաստանի Հանրապետության սպորտի և երիտասարդության հարցերի նախարարության (այսուհետ՝ Նախարարություն) կողմից կտեղեկացվի լրացուցիչ:

4. Մրցույթի նախապատրաստման և անցկացման աշխատանքները համակարգում է Նախարարությունը:

5. Մրցույթի 1-ին և 2-րդ փուլերի կազմակերպման և անցկացման անմիջական պատասխանատվությունը կրում են Հայաստանի Հանրապետության մարզպետարանների, Երևանի քաղաքապետարանի, Արցախի Հանրապետության կրթության, գիտության և սպորտի նախարարության համապատասխան վարչությունները և բաժինները: Եզրափակիչ փուլի մրցումների անցկացման անմիջական պատասխանատվությունը կրում է Սպորտի և երիտասարդության հարցերի նախարարության կողմից հաստատված մրցավարական հանձնաժողովը:

Բոլոր փուլերում մարզական միջոցառման ծրագիրն իր մեջ ներառում են

Վարժություն N 1 Խաղային փոխանցավազք՝ 30 մ

Վարժություն N 2 Վարժություն բասկետբոլի գնդակով

Վարժություն N3 Թենիսի գնդակի նետում

Վարժություն N4 Խաղային փոխանցավազք՝ թենիսի գնդակով

Վարժություն N 5 Հեռացատկ (տեղից)

Վարժություն N6 Խաղային փոխանցավազք 80 մ

(30մ+30մ+20մ)

Նախապատրաստական աշխատանքների համար նախատեսված  
(25.05-13.06.2018 թ.)

- Գովազդային տեսահոլովակի պատրաստում հեռուստատեսությամբ հեռարձակելու համար:  
40 վայրկյան տևողությամբ
- Գովազդային տեսահոլովակի հեռարձակում, մայիսի 15-ից մայիսի 24-ն ընկած ժամանակահատվածում:  
Ընդհանուր 30 րոպե տևողությամբ
- Գովազդային պաստառ թղթե, գունավոր ձևավորված, «Լավագույն մարզական ընտանիք» մրցույթի պատկերանշանը (լոգո) կենտրոնում, վերին մասում մեծ տառերով գրված «Հայաստանի Հանրապետության Նախագահի մրցանակի համար»: Չափսը՝ 60 սմ x 40 սմ, կավճապատ, քաշը՝ 300 գր:  
61 համայնք = 1000 հատ

1-ին փուլի համար նախատեսված (25.05-13.06.2018թ.)

- Դարթս: Պատրաստված է խտացված բուսական մագաթելերից կամ խտացված բամբակից, թիրախը բաժանված է հատվածների, որոնց վրա գրանցված են 1-ից 20 թվերը, նետի ծայրամասը պատրաստված է մետաղե ասեղից, իրանը՝ պլաստմասսայից:  
1 հատ x 61 համայնք = 61 հատ
- Երկար պարկ (անջրթափանց կտորից) (պարկի լայնությունը 1 մետր, երկարությունը 3 մետր, երկու եզրերը կարված օղակների համար):  
1 հատ x 61 = 61 հատ
- Օղաճնչիչ հրացանի փամփուշտ (շեշմա):  
400 հատ x 61 համայնք = 24.400 հատ
- Վկայագիր (Հավաստագիր). չափսը՝ 30 x 20 սմ, թղթե, օֆսեթ, կավճապատ, խտությունը՝ 220գ/քմ: Տեքստը համաձայնեցնել ՄՍՖԴՔ վարչության հետ:  
12 հատ x 61 համայնք = 732 հատ

2-րդ փուլի համար նախատեսված  
(18.06 - 01.07.2017 թ.)

- Բասկետբոլի գնդակ՝ կաշվե հումքից, N 5 կամ N 6:  
2 հատ x 12 համայնք = 24 հատ
- ցատկի պարկ (բրեզենտե հաստ կտորից) (65 սմ տրամագծով, երկարությունը 100սմ):  
1 հատ x 12 համայնք = 12 հատ
- Երկար պարկ (անջրթափանց կտորից) (պարկի լայնությունը 1 մետր, երկարությունը 3 մետր, երկու եզրերը կարված օղակների համար):  
1 հատ x 12 = 12 հատ
- Թենիսի գնդակ (Babolan կամ համարժեքը)՝ դեղին գույնի:  
15 հատ x 12 համայնք = 180 հատ
- Օղամղիչ հրացանի փամփուշտ (շեշմա): 10 մարզ, Երևան քաղաք և Արցախ:  
4800 հատ
- Դարթս: Պատրաստված է խտացված բուսական մագաթելերից կամ խտացված բամբակից, թիրախը բաժանված է հատվածների, որոնց վրա գրանցված են 1-ից 20 թվերը, նետի ծայրամասը պատրաստված է մետաղե ասեղից, իրանը՝ պլաստմասսայից:  
1 հատ x 12 համայնք = 12 հատ
- Վկայագիր (Հավաստագիր). չափսը՝ 30 x 20 սմ, թղթե, օֆսեթ, կավճապատ, խտությունը՝ 220գ/քմ: Տեքստը համաձայնեցնել ՄՍՖԴՔ վարչության հետ:  
12 հատ x 12 համայնք = 144 հատ

3-րդ փուլ (եզրափակիչ) փուլի  
համար նախատեսված

ք. Շաղկաձոր

- Բասկետբոլի գնդակ՝ կաշվե հումքից, N 5 կամ N 6:  
6 հատ
- Թենիսի գնդակ (Babolan կամ համարժեքը)՝ դեղին գույնի:  
50 հատ
- Վկայագիր (Հավաստագիր). չափսը՝ 30 x 20 սմ, թղթե, օֆսեթ, կավճապատ, խտությունը՝ 220գ/քմ: Տեքստը համաձայնեցնել ՄՍՖԴՔ վարչության հետ:  
30 հատ

• Դարթս՝ պատրաստված է խտացված բուսական մագաթելերից կամ խտացված բամբակից, թիրախը բաժանված է հատվածների, որոնց վրա գրանցված են 1-ից 20 թվերը, նետի ծայրամասը պատրաստված է մետաղե ասեղից, իրանը՝ պլաստմասայից:

4 հատ

• Գուրգեր (բուլավա) Գուրգերը պետք է լինեն 50-60սմ բարձրությամբ, պլասմասե կամ ռեզինե հոււմքից, ներքևի հատվածի տրամագիծը 25-30սմ:

20 հատ

• ՀՀ Նախագահի վկայագիր՝ չափսը՝ 30 x 20 սմ, թղթե, օֆսեթ, կավճապատ, խտությունը՝ 220գ/քմ: Տեքստը համաձայնեցնել ՀՀ Նախագահի աշխատակազմի հետ՝

15 հատ

• Հուշանվեր՝ օրգանական ապակուց պատրաստված եզրափակիչ փուլիմրցումներին 1-ին, 2-րդ, 3-րդ տեղեր գրաված ընտանիքներին և պատվավոր հյուրերին, միջոցառման 15-րդ ամյակին նվիրված: Չափսը՝ 12 սմ լայնությամբ, 1 սմ հաստությամբ, 20 սմ բարձրությամբ, պատվանդանով, լոգոյով:

35 հատ

• Մեդալներ. չափսը՝ 5 սմ տրամագծով x 0,3 սմ հաստությամբ, մետաղե ձուլվածք, եռագույն ժապավենով՝ 0.80 սմ երկարությամբ, սինթետիկ հոււմքից:

45 հատ

• Մարզահագուստ մասնակից բոլոր երեխաների համար՝ կիսասինթետիկ հոււմքից, վերնագգեստը կարմիր, եզրագծված սև և սպիտակ գծերով, տաբատը սև, կրծքավանդակի վերին ձախ մասում «Լավագույն մարզական ընտանիք» մրցույթի պատկերանշանը, ասեղնագործված (հանձնվում է անհատույց, սեփականության իրավունքով):

6-ից 8 տարեկան երեխաներ՝ 40 հատ

9-ից 11 տարեկան երեխաներ՝ 44 հատ

12-ից 14 տարեկան երեխաներ՝ 42 հատ

15-ից 17 տարեկան երեխաներ՝ 41 հատ

167 հատ

• Մրցավարների համար բամբակյա կտորից ամառային շապիկ և գլխարկ, գույնը՝ սպիտակ, «Լավագույն մարզական ընտանիք» մրցույթի պատկերանշանով (հանձնվում է անհատույց, սեփականության իրավունքով):

Մարզաշապիկի չափսերը՝ XXL - 11 հատ, XL - 11 հատ, L - 11 հատ, M - 11 հատ: Ընդամենը՝ 44 հատ

Արևային գլխարկ (կեպի)

44 հատ

• Նվերներ մասնակից երեխաներո՝ բաթմինթոն - նյութը՝ գրաֆիտ-կարբոն, ցանցի գործվածքը՝ սինթետիկ թելից:

173 գույգ

• ՀՀ եռագույն դրոշ (100 սմ x 1,6 սմ)՝ անջրթափանց կտորից:

30 հատ

• Եռագույն դրոշ՝ անջրթափանց կտորից եզրերը կարված, երկու կողերից հաստ թելի անցկացում, երկու վերջավորությունները 8 սմ լայնությամբ կարված, խողովակի համար, չափսերը (12մx3.0մ):

2 հատ

• Հուշանվեր՝ (Գավաթ) 1-ին, 2-րդ, 3-րդ տեղերը գրաված պատվիրակությունների համար՝ 70 սմ, 65 սմ և 55 սմ բարձրությամբ, ոսկեգույն, էբոնիտե պատվանդանով:

3 հատ

• Երկար պարկ (անջրթափանց կտորից) (պարկի լայնությունը 1 մետր, երկարությունը 3 մետր, երկու եզրերը կարված օղակների համար):

4 հատ

• Մարմնամարզական օղակներ՝ պատրաստված այլումինե հոււմքից, 1 մմ հաստությամբ, 0,9 մ-1,0 մ տրամագծով:

20 հատ

• Օղանշիչ հրացան (վարձակալում): 4 հատ

• Օղանշիչ հրացանի փամփուշտ (շեշմա):

1000 հատ

• Հրաձգության թիրախներ N10: 200 հատ

• Ֆուտբոլի դարպասի ցանց (80սմ x60սմ չափերի, պատրաստված անջրթափանց կտորից):

6 հատ

• «ՀԱՂԹԱՆԱԿ» բառի տառերի տպագրում (30 սմ x 20 սմ չափսի, բանների վրա, կարմիր գույնով, տառերի չափսը՝ 22 սմ):

4 լրակազմ

- Ռուլետկա (50 կամ 100-մետրանոց): 2 հատ
  - Չայնային տեխնիկայի ապահովում՝ (բարձրախոս, պլաստմասսե կորպուսով, 45 վատտ հզորությամբ բարձրախոս 7 կՎտ հզորությամբ, 2 բարձրախոս առանց լարի, 1-ը լարով, միկշերային վահանակ): 5 օր
  - Շտապ բուժօգնության ծառայության ապահովում մասնակից ընտանիքների անդամների և մրցավարների համար: 6 օր
  - Հաղորդավարի ծառայություն, Նախագահի այցելության օրը, ք. Օաղկաձորում 1 օր
  - Եզրափակիչ ճաշկերույթի կազմակերպում Օաղկաձոր քաղաքում (մարզաբազայում կամ այլ նմանատիպ մարզահամալիրում) մասնակից ընտանիքների և հրավիրված հյուրերի մասնակցությամբ, նվազախմբի ապահովում 4 մարդ: 550 մարդու համար
  - Մարզադաշտի ապահովում Օաղկաձորում (մարզաբազայում կամ այլ նմանատիպ մարզադաշտում) (վազքուղիները նշագծված, խաղադաշտի խոտը հնձված, հարակից տարածքը բարեկարգված): 5 օր
  - Մարզադաշտ ձևավորման ծառայություն: Մարզադաշտի և հարակից տարածքի ձևավորում դրոշակներով և պաստառներով, միջոցառման ավարտից հետո ապամոնտաժում և պահեստավորում: 3 օր
  - Պատվիրատուի կողմից տրամադրված վրանի կոնստրուկցիայի հավաքում և քանդում, երկարությունը՝ 12մ, լայնությունը՝ 3մ, բարձրությունը՝ 3մ: 1 լրակազմ
  - Գովազդային պաստառ (բաներից), մեծ լոգոյով, (5x1,5մ. չափերի, եզրերը կրկնակի ծաված, մետաղե փոքրիկ օղակներով, հեռավորություն օղակները միմիանցից 25սմ): Տեքստը համաձայնեցնել ՄՍՖԴՔ վարչության հետ: 2 հատ
  - Գովազդային պաստառ (բաներից), մեծ լոգոյով, (12x2.2մ. չափերի, եզրերը կրկնակի ծաված, մետաղե փոքրիկ օղակներով, հեռավորություն օղակները միմիանցից 25 սմ): 2 հատ
  - Վրանի ծածկ՝ բաներից պատրաստված ծածկ, համաձայն վրանի մետաղական կառուցվածքի, վրանի չափսերը 12մ երկարություն, 3 մ լայնություն և 3 մ բարձրություն, վրան՝ լոգոյով և միջոցառման անվանումով «Լավագույն մարզական ընտանիք», վերջնական տեսքը համաձայնեցնելով ՄՍՖԴՔՎ հետ: 1 հատ
  - Մետաղե պարան 2-3մ տրամագծով: 100 մետր
  - Ավտոմեքենայի վարձակալում: Բեռնատար տրանսպորտային միջոցներ 1-ին և 2-րդ փուլերի մարզագույքը տեղափոխելու համար՝ Երևան-Ստեփանակերտ – 22 մարզկենտրոններ և 3-րդ եզրափակիչ փուլի մարզագույքը և նվերները՝ Երևան-Օաղկաձոր-Երևան): Մեքենաների քանակը ըստ անհրաժեշտության (1000 կմ):
- Մրցավարական հանձնաժողովի և մրցավարների աշխատանքները ապահովելու համար անհրաժեշտ գրենական պիտույքներ՝
- կաշվե թղթապանակ փափուկ կազմով և 22 զինանշանով, 35 սմ x 23 սմ չափսի: 15 հատ
  - թղթե արագակար կավճած սովարաթղթից, մետաղական ամրակով, A4 (210 x 297 մմ) ձևաչափի: 20 հատ
  - ֆայլ (թափանցիկ պոլիմերային թաղանթ, A4 ձևաչափի թղթերի համար, արագակալներին ամրացնելու հնարավորություն): 1 տուփ՝ 100 հատ
  - ծրար A5 ձևաչափի: Ծրարներ չթափանցող, եռանկյունաչափ փակվող, խիտ թղթից՝ նախատեսված գաղտնիություն պարունակող նամակների համար՝ սահմանված չափի և ձևի: 300 հատ
  - Ժապավեն-կպչուն ժապավեն (սկոչ) 48մմ x 100մմ: 10 հատ
  - թղթե կպչուն ժապավեն 48 մմ x 100 մմ չափսի, տնտեսական, մեծ, զլանափաթեթված ժապավեն սոսնձային շերտի հաստությունը՝ 0,018 - 0,030 մմ կամ 0,030 - 0,060 մմ, ժապավենի երկարությունը՝ 100 մմ: 10 հատ

- հաշվիչ (կալկուլյատոր) «CITIZEN» կամ համարժեքը:  
2 հատ
- թուղթ A4 ֆորմատի (21 x 29.7): A4, չկավճած թուղթ, օգտագործվում է տպագրման համար, թելիկներ չպարունակող, մեխանիկական եղանակով ստացված, 80 գ/մ<sup>2</sup>, (210 x 297 մմ):  
5 տուփ
- թղթապանակ/ռեգիստրատոր՝ 2 օղակով, պլաստիկ, լայնությունը՝ 80 մմ, A4 չափսի:  
13 հատ
- գրիչ գնդիկավոր՝ տարբեր գույների, տարբեր տեսակի կառուցվածքով, մեծ և փոքր չափի:  
30 հատ
- մատիտ, գրաֆիտե միջուկով, հասարակ՝ սև, համապատասխան կարծրությամբ:  
20 հատ
- կարիչի (ստեպլեր) մետաղալարե կապեր (փոքր ասեղ): Գրասենյակային կարիչների մետաղալարե կապեր բլոկներով՝ 10 մմ/6 մմ, նախատեսված է 10 համարի համար:  
3 տուփ
- գրասենյակային ապակարիչ՝ N 10 ասեղներով կարված թղթերը քանդելու համար:  
2 հատ
- կավիճ՝ աղացած, պոլիէթիլենային փաթեթով, սպիտակ գույնի:  
2 տուփ
- Գելային: Գրիչ, 0,5 մմ ծայրով, տարբեր գույների, (գել):  
2 հատ
- Քաթրիջ: Տպագրական աշխատանքները իրականացնելու համար:  
1 հատ
- Փշովի նիտրո սպիտակ ներտեր (բալոնչիկով) մարզադաշտում նշումներ կատարելու համար:  
4 հատ

**\*\* 1-ին և 2-րդ փուլերում միջոցառման կազմակերպման համար անհրաժեշտ գույքը կատարողը ժամանակացույցի համաձայն հասցնում է ՀՀ մարզերի համապատասխան համայնքներ, Երևան քաղաքի վարչական շրջաններ և Արցախի համապատասխան շրջաններ, իսկ 3-րդ փուլի անհրաժեշտ գույքը և նվերները ք. Շաղկաձոր (ժամկետները համաձայնեցվում են Պատվիրատուի հետ):**

**\*\*\* Եզրափակիչ փուլին Կատարողը իրականացնում է բոլոր կազմակերպչական և մարզադաշտի ձևավորման աշխատանքները, իսկ միջոցառման ավարտից անմիջապես հետո գույքը հասցնում է պահեստավորման վայր:**

**\*\*\*\* Կատարողը բոլոր փուլերի համար անհրաժեշտ մարզագույքը, նվերները հասցնում է մրցավայրեր, կազմում մարզագույքի նվերների բաշխման ցուցակներ, որոնք հետագայում ընդունման-հանձնման ակտի անբաժանելի մասն են կազմում:**

**\*\*\*\*\* Բոլոր աշխատանքները համաձայնեցնել ՀՀ սպորտի և երիտասարդության հարցերի նախարարության աշխատակազմի մասսայական սպորտի և ֆիզիկական դաստիարակության քաղաքականության վարչության հետ:**

**\*\*\*\*\* Վերոհիշյալ մրցույթն անցկացվում է Հայաստանի Հանրապետության սպորտի և երիտասարդության հարցերի նախարարի 16.02.2018թ. N 32-Ս/1 հրամանով հաստատված ՀՀ Նախագահի մրցանակի համար «Լավագույն մարզական ընտանիք» 2018 թվականի մրցույթի կանոնակարգի պահանջների համաձայն:**

**ՊԱՏՎԻՐԱՏՈՒ**

**ԿԱՏԱՐՈՂ**

ՀՀ սպորտի և երիտասարդության հարցերի  
 նախարարություն  
 Բ.Երևան Արովյան 9  
 ՀՀ ֆինանսների նախարարության  
 գործառնական վարչություն  
 Հ/Հ 900011059095  
 ՀՎՀՀ 02586282

Աշխատակազմի ղեկավար *Վ.Լոյյան*  
 (ստորագրություն)

«Իմպերիում» ՍՊԸ  
 Բ.Երևան Ամպլեարդան 112 7  
 Ինվերանկ ՓԲԸ  
 Հ/Հ 2050622060861001  
 ՀՎՀՀ 00135548

Ստորեն *Գ.Աղլյան*  
 (ստորագրություն)  
 Կ.Տ.

ՎՃԱՐՄԱՆ ԺԱՄԱՆԱԿԱՑՈՒՑՑ\*

Հազ ՀՀ դրամաճողական

Ծառայության

հրավերի նախատեսված չափաժամի համարը	գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPV)	անվանումը	Պիմանքի վճարումները նախատեսվում է իրականացնել 2018 թ-ին՝ ըստ ամիսների, այդ թվում**													
			հունվար	փետրվար	մարտ	ապրիլ	մայիս	հունիս	հուլիս	օգոստոս	սեպտեմբեր	հոկտեմբեր	նոյեմբեր	դեկտեմբեր	Ընդամենը	
1	92621110/1	Սպորտային միջոցառումների կազմակերպման Ծառայություններ / Լավագույն մարզական ընտանիք՝ մրցականացման »/				8487.8	8487.8	8487.8	13690.0	13690.0	13690.0	13690.0	13690.0	13690.0	13690.0	13690.0

ՊԱՏՎԻՐԱՏՈՒ

ՀՀ սպորտի և երիտասարդության հարցերի նախարարություն  
 Ք.Երևան Արշակունյաց 9  
 ՀՀ ֆինանսների նախարարության գործառնական վարչություն  
 Հ/Հ 900011059095  
 ՀՎՀՀ 02586282

Աշխատակազմի ղեկավար

Վ.Էլոյան



ԿԱՏԱՐՈՂ

«Իմպերիում» ՍՊԸ  
 Ք.Երևան Ա.Ավետիսյան 112 7  
 Ինտերբանկ ՓԲԸ  
 Հ/Հ 2050622060861001  
 ՀՎՀՀ 00135548

Տնօրեն՝

Գ.Աղյան



*Handwritten signature*

Պայմանագրի կողմ  
«Իմպերիում» ՍՊԸ  
Ք.Երևան Ա.Ավետիսյան 112 7  
Ինտերբանկ ՓԲԸ  
Հ/Հ 2050622060861001  
ՀՎՀՀ 00135548

Պատվիրատու  
ՀՀ սպորտի և երիտասարդության  
հարցերի նախարարություն  
Ք.Երևան Արովյան 9  
ՀՀ ֆինանսների նախարարության  
գործառնական վարչություն  
Հ/Հ 900011059095  
ՀՎՀՀ 02586282

**ԱՐՁԱՆԱԳՐՈՒԹՅՈՒՆ N  
ՊԱՅՄԱՆԱԳՐԻ ԿԱՄ ԴՐԱ ՄԻ ՄԱՍԻ ԿԱՏԱՐՄԱՆ ԱՐԴՅՈՒՆՔՆԵՐԻ  
ՀԱՆՁՆՄԱՆ-ԸՆԴՈՒՆՄԱՆ**

«    » «    » 20 թ.

Պայմանագրի /այսուհետ՝ Պայմանագիր/ անվանումը՝

---

Պայմանագրի կնքման ամսաթիվը՝ «    » «    » 20 թ.

Պայմանագրի համարը՝ \_\_\_\_\_

Պատվիրատուն և Պայմանագրի կողմը՝ հիմք ընդունելով պայմանագրի կատարման վերաբերյալ «    » «    » 20 թ. դուրս գրված N \_\_\_\_ հաշիվ ապրանքագիրը, կազմեցին սույն արձանագրությունը հետևյալի մասին.

Պայմանագրի շրջանակներում Պայմանագրի կողմը մատուցել է հետևյալ ծառայությունները՝

N	Մատուցված ծառայությունների						Վճարման ենթակա գումարը /հազար դրամ/  Վճարման ժամկ ետը /ըստ վճար ման ժամ անա կացո ւյցի/
	անվանում ը	տեխնիկական բնութագրի համառոտ չարադրանքը	քանակական ցուցանիշը		կատարման ժամկետը		
			ըստ պայմանագրով հաստատված գնման ժամանակացույցի	փաստացի	ըստ պայմանագրով հաստատված գնման ժամանակացույցի	փաստացի	

Սույն արձանագրության երկկողմ հաստատման համար հիմք հանդիսացած հաշիվ ապրանքագիրը և դրական եզրակացությունը հանդիսանում են սույն արձանագրության բաղկացուցիչ մասը և կցվում են:

Ծառայությունը հանձնեց

\_\_\_\_\_  
ստորագրություն  
\_\_\_\_\_  
ազգանուն, անուն

Ծառայությունն ընդունեց

\_\_\_\_\_  
ստորագրություն  
\_\_\_\_\_  
ազգանուն, անուն

ԱԿՏ N

պայմանագրի արդյունքը Պատվիրատուին հանձնելու փաստը ֆիքսելու վերաբերյալ

Սույնով արձանագրվում է, որ \_\_\_\_\_-ի (այսուհետ՝ Պատվիրատու) և \_\_\_\_\_-ի  
Պատվիրատուի անունը Կատարողի անունը

(այսուհետ՝ Կատարող) միջև 20 թ. \_\_\_\_\_-ին կնքված N \_\_\_\_\_  
պայմանագրի կերման ամսաթիվը պայմանագրի համարը  
գնման պայմանագրի շրջանակներում Կատարողը 20 թ. \_\_\_\_\_-ին հանձնման-ընդունման  
նպատակով Պատվիրատուին հանձնեց ստորև նշված ծառայությունները.

Ծառայության		
անվանումը	չափման միավորը	քանակը (փաստացի)

Սույն ակտը կազմված է 2 օրինակից, յուրաքանչյուր կողմին տրամադրվում է մեկական օրինակ:

ԿՈՂՄԵՐԸ

Հանձնեց

Ընդունեց

հայտը նախագծած ներկայացուցիչ՝

\_\_\_\_\_  
ազգանուն, անուն

\_\_\_\_\_  
ազգանուն, անուն

\_\_\_\_\_  
ստորագրություն

\_\_\_\_\_  
ստորագրություն